



UNIVERSITÄTS-  
BIBLIOTHEK  
PADERBORN

**R. P. Vincentii Brvni, Societatis Iesv, Meditationes, De  
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex  
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

**Bruno, Vincenzo**

**Coloniae Agr., 1599**

**VD16 ZV 2606**

Meditatio 27. De Christi coronatione.

---

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)



MEDITATIO  
VIGESIMASEPTIMA.

DE CHRISTI  
coronatione.

EVANGELIUM.



Et milites Præsidis sus- *Matt. 27.*  
cipientes Iesum in *Marc. 15.*  
prætorio, congrega- *Ioan. 19.*  
uerunt ad eum uni-  
uersam cohortem. Et  
exuētes eum, chlamydē coccineam  
circūdederunt ei. Et plectentes co-  
ronam de spinis posuerunt super  
caput eius,

FIGURA.

ABRAHAM vidit montem, qui *Gen. 28.*  
vertice alios montes superemi-  
nens, spinis esset obsitus. Hunc cum a-  
scendisset, eo loci obtulit sacrificium  
filij Isaac.

PRO-

*Cant. 3.*

**E**GRE DIMINI *filia Sion, videt<sup>r</sup>  
Regem Salomonem in diademate  
quo coronavit illum Mater sua.*

## CONSIDERATIONES.

I. Punctū.

**C**ONSIDERA supplicia, quibus  
adhuc Dominus affectus est, alia  
ad ignominiam, alia ad cruciatum ad-  
hita: nunciam inuentum est à diaboli-  
cis ministris, quomodo simul summam  
ignominiam cum summo dolore con-  
iungerent. Circumijciunt illi vestem re-  
giam è purpura: caput aspera & sentico-  
sa corona cingunt: huic carnificinæ ad-  
dunt ludibria, quasi in regni affectato-  
rem, simul spinas acutissimas per caput  
illud venerandum imprimendo acer-  
bissimos illi cruciatus afferebant. O ma-  
nus sceleratas, ô coronam impiam? quis  
vnquam hoc supplicij genus fando ac-  
cepit? quis animus tam serus & furens,  
qui excogitare potuit tale inuentū, quod  
ambigas plusne ignominiaē an doloris  
habeat? Nō sufficiebat, Domine omnia  
vsitata supplicia esse consumta in tuo  
corpore; novos etiam modos Diabolus  
suis satellitibus subministrat, quibus ig-  
nominiam augeat, & summo dolori a-  
lium superiorem adijciat.

Statu 4

Status Christi in tam graui supplicio, similis erat oui, quæ tondetur: inflexa ceruice, facie in terram prona ferebat omnia, sine quærela aut excusatione, quæ homines sua libido facere impulisset. Vide vt acutissimæ spinæ totum illud diuinum caput, in orbem transectæ, lacerent, & cruore proluant, qui pluuiæ instar à vertice distillans, perq; oculos, perq; diuinissimum os decurrès, obscureret splendorem illum omnem & eximiã speciem, vt in spiritu cõtemplatus eum olim Propheta rectissimè dixerit: *Non Isaiã 53. est species ei, neq; decor; vidimus eum, & non erat aspectus.*

Non satis erant, ô I E S V benedicte, tot verbera, quæ totum tibi corpus vulneribus compleuerant: non clauibus sanctissimi pedes manusque vulnerandæ & transfigendæ erant: etiã spinæ ad tuũ cruciatum vocãtur, vt sanguine caput exhauriant? O splendor gloriæ, ô speculum sine macula, quis tibi has tenebras offudit? quis te his maculis sordidauit? O limpidissimum Paradisi flumen, cuius dulcissimæ aquæ lætificant ciuitatē Dei, quis ita turbidum, ita amarũ te effecit? Ah anima mea, tua superbia, tua excellendi cupido, dedecus hoc coronæ imposuit capiti Saluatoris:  
spinæ

Spinæ peccatorum tuorum inverticem illius impactæ sunt: nimia vestium cura & molites hac illum purpura induit & illudit.

Exite iam filiæ Sion: & videte verum regem vestrum, in crudeli diademate, quo coronavit eum mater sua, ingrata Synagoga, atque in ipsa nostra, non iam humana, sed inhumana natura. Liquefacta est dolore anima mea, & tota in lacrymas resoluta: quia mearum manuum opera scelerata, tam crudeliter coronarunt Dominum meum & Deum meum. Intuere anima mea sponsum tuum in purpurea illa & nuptiali veste, quæ perspicuum est indicium, quàm ineffabili misericordia & infinito amore te prosequatur. Vide ut in die desponsationis tuæ viridem coronam gestet, intextam rubicundis rosis purpurei sanguinis: audi, ut pulset, cor tuum dicens: Aperi mihi, Sponsa mea, columba mea, capiat te misericordia dolorum meorum. *Quia caput meum plenum est rore sanguineo, & cincinni mei guttis noctium qua sunt peccata tua.*

*Cant. 5.*

COLLOQVIVM.

**R**OGA Christum D.N. quoniam ipse Rex verus cæli & terræ, non recusavit

scilicet ludicra illa insignia fictitij Regis gestare, & coronam illam dolorificam, qua tam indignè à vilissimis hominibus derisus & delusus est: vt infundat cordi tuo gratiã, vt penitus sentias, doleasque de tanta pœnarum acerbitate, quam tua causa ipse suscepit. Deinde vt mens tua semper compuncta sit spinis admissorũ peccatorum, quæ tantarum illi pœnarum causam dederunt: vt posteaquam ea hic digna pœnitentia expiaueris, dignus olim habearis, qui ab ipsius bonitate accipias coronam glorię.

## DOCUMENTA.

1. **PURPURA** caritatis operienda est multitudo peccatorum & vulnerum anima nostra: vt Christus texit sanctissimi corporis lacerationem veste purpurea.

2. Per ludibrium regiam Christo vestem iniicimus, cum actiones in speciem bonas exercemus, sed qua coram Deo, quod minus recta intentione fiant, vitiosa, & sine ullo merito sint.

3. Non satis fuit Christo pati toto corpore, sed etiam capite, vt solueret pœnas inobedientię, quam admittimus non solum in exsequendis mandatis, sed etiam iudicio & voluntate propria.

L 4. Si

4. Si nullam corporis partem voluit Christus doloris expertem esse; aequum est, ut nulla sit in nobis vel animi vis, vel corporis pars, qua non in eius seruitio occupetur.

5. Coronam spineam cum Christo gestant, qui patienter ferentes huius viciatationes & molestias, incedunt via arcta & spinosa ad salutem.

6. Acrius pungunt, & plus afferunt doloris capiti Christi, inanes nostra cogitationes, & vaga distractiones animi in laudibus diuinis recitandis, quam spina illius aspera corona.

7. Qui se Christianos professi, ne minimum quidem molestiarum ferre possunt, & quavis exigua re turbantur & prosternuntur, contemplantur hoc patientia speculum, ut sub capite spinis coronato, pudeat ipsos esse membra delicata.